



廣東新語卷二十二

分目

鱗語

龍

土龍

怪魚

黃雀魚

魚花

鱔

龍蝦

插箔

鮓魚

石龍

蜃氣

暨魚

鼠鮎烏賊

魚生

養魚種

鯊虎

飛魚

金龍

海鯪

潛龍鯊

魚

漁具

魚牌

魚餉

似嘉魚

廣東新語

卷二十二

分目

一



廣東新語卷二十二

番禺 屈大均 翁山 謨

鱗語

龍

南海龍之都會古時入水采珠貝者皆繡身面爲龍子使龍以爲己類不吞噬在今日人與龍益習諸龍戶率視之爲螻蛄矣新安有龍穴洲每風雨卽有龍起去地不數丈朱鬣金鱗兩目燿燿如電人與龍相視久之弗畏也其精華在浮沫時噴薄如瀑泉如雨爭承取之稍緩則入地中矣是爲龍涎或謂龍涎者多積於海上枯木如鳥遺狀其色廣東新語卷二十二 鱗語 一

青黎其薈腥雜百和焚之翠烟千結蜿蜒蟠空經時不散可以剪分香縷然多不真從番舶來者出大秦波斯於雨中焚之焔爆有聲則真蓋龍本純陽之精故其氣絕香又龍屬木木之氣得太陽多者必香故諸香以龍涎爲最得盂水徑撲其中不落空外龍以水爲用見水則精入焉蓋龍用精則爲雨用氣則爲雲海中若龍氣每龍氣過輒噓吸舟船人物而去置之他所然舟船人物亦無恙也舵師知龍起但插金鼓或焚鬣殼諸臭物或灑青礬卻之海濱多高樓樓角獸頭每爲龍氣所掣置兵器其上亦止以

龍性畏鐵鐵辛爲目害故也

羅浮多龍潭嘗有人小遺潭中菴僧見之使之蒲伏土上俄有白氣千百道從谷中起迅雷乘風雨如注海上舟船已破溺無數矣人必蒲伏土上乃免若在木石之間必爲龍所掣矣又有人戲投巨石巖中巨石左右砰擊久而不下龍驚以爲雷也卽時白氣四起雨點如盤盂蓋龍與雷同類雷出則龍出雷入則龍入而其氣不起於潭洞中者山澤相通地中虛無之處皆龍之竅穴也又新興有天露山其頂有潭歲旱以石投之聲震如雷卽雨又有井干湖其深莫測歲旱以土掊擊之亦有雨

廣東新語

卷二十二

鱗語

二

蓋亦驚龍之意龍聽以角謂之聾蟲故善驚

石龍

化州有石龍其首蟠州解之左其尾注于江中身多竅穴每爲風潮所激則噴沙如雪霏霏滿空有時鳴以一歲鳴以二三歲其聲隱隱與鶩鶴同在上如石在西如東有探其尾于急湍之下者皆得古錢或爲五銖或爲開元或古或近或缺或全紫碧交錯青黃雜植其爲數歉不八九盈不二十雖百十人各有所給

金龍

茂名靈湫中有一龍井晉時有潘茂名真人者以

金鑄五龍納井中自永嘉至今每遇旱高涼太守出五金龍祭之雨立至或謂金龍者丹砂所成然非能爲雨也爲雨者祭金龍者也然亦靈異萬曆間有太守嘗竊其一行至中途金龍飛入于水今止存四然大旱時汲龍湫之水以禱亦得雨不必定出金龍云

### 土龍

廣人亢旱以水日雩祭于社而請雨以土爲龍身皆黑而尾白長九尺使丈夫八人小兒八人皆衣黑衣丈夫鼻龍小兒謹呼曰烏龍頭白龍尾小童求雨天公喜自北而南又自南而北乃歸于社息廣東新語人卷二十二 鱗語 三焉復取五蝦蟆錯置社之中掘池方五尺深一尺置水埋蝦蟆其中而閉之

### 蜃氣

東莞合蘭海其水漩洄而黝黑三江之所匯有龍窟焉嘗有積氣如黛或如白霧鼓舞吹噓倏忽萬化其爲城闕樓臺塔廟諸狀人物車騎錯出於層峰疊嶽之間尤極壯麗舟行其中弗見也自外望之變幻斯見卽之輒遠離之復近雖大風雨不能滅人以爲蛟蜃之氣所爲云其氣或大或小晴則大陰則小五色光苾不定或如旌旗戈甲則兆其地有兵革如倉廩則兆其地豐登居人每候之以

知災祥歲正月初三四五日必一見不見則以爲怪或謂此乃海氣春晴始見非也此蜃氣也蜃者千歲之雉所化其爲物最神莊生云龍合而成體散而成章章者雲物之氣也蜃龍類也其能靜則爲陰動則爲陽陰而含萬象於無陽而吐萬象於有固於龍具體而微也然蜃氣之起大抵爲舟船多爲樓臺者少天官書云南巖之氣類舟船幡旗晉志云南巖氣如閣臺或類舟船凡雲氣各象其山川人民所聚積蜃氣多象舟船亦南巖之氣所雜爲變怪也必以春正月見者蓋青陽始動而龍見于田蜃亦龍屬故其氣與龍皆當春而發至秋廣東新語人卷二十二

鱗語

四

而收也蜃氣與海市不同海市多見於靖康場當晦夜海光忽生水面盡赤有無數燈火往來螺女鮫人之屬喧喧笑語聞賣珠鬻錦數錢量米麥聲至曉方止則海市也或曰海上有珊瑚之市在虎頭門西蓋卽海市或曰其地故有沉洲每月出輒有鬼物就海中爲市所謂沉洲夜市也陳雲淙詩月出珊瑚輪海市蓋南海蜃氣有氣而無聲海市有聲而無氣以此爲別而靖康海市又與青州不同靖康海市見於夜青州見於晝番禺雜記云海邊有鬼市半夜而合鷄鳴而散人從之多得異物殆所謂狼脍之民也水經注狼脍之民冥夜爲市

以鼻嗅金卽知美惡是也

海鯨

海鯨之出其長亘百里牡蠣蚌羸積其背崒岬如山舟人誤以爲島嶼就之往往傾覆晝噴水爲潮爲夜噴火海面盡赤望之如天雨火予詩云勢欲吞舟去光先噴火來又云海鯨吐陰火千里波潮紅蓋陰火生於海陽火生於山陽火爲雷以起龍陰火爲風以起大魚固造化之常而石尤風則海鯨益起艚船弗及避爲所吞噬猶夫鰕鮒之微鯨非有意於吞舟也其氣呼吸所致也有海龍翁者大如屋宇亦知風

廣東新語

卷二十二

鱗語

五

海鱗長數百里或千里穴居海底入穴則海水爲潮出穴則水潮退其出入有節故潮水有期是名潮魚昔人多以爲潮者海鱗之所爲不知潮長則海鱗隨之出潮消則海鱗隨之入海鱗之出入以潮非海鱗之自能爲潮也此海魚之應潮者也

怪魚

海上多怪魚大小不一開洋時隨風鼓舞往往飛入船中人不敢取有一魚長數十丈其首有二十大孔噴水上出遇船則昂首注水船中須臾而滿亟以鉅甕投之連吞數甕則逝有一魚背長丈許有齒刻如鋸能與力戰而勝以救海船又有魚長二

十餘丈性最良善或漁人爲惡魚所困因此魚輒爲漁人解圍又大風雨時有海怪被髮紅面乘魚而往來乘魚者亦魚也謂之人魚人魚雄者爲海和尚雌者爲海女能爲舶崇火長有祝云毋逢海女毋見人魚人魚之種族有盧亭者新安大魚山與南亭竹沒老萬山多有之其長如人有牝牡毛髮焦黃而短眼睛亦黃面黧黑尾長寸許見人則驚怖入水往往隨波飄至人以爲怪競逐之有得其牝者與之媾不能言語惟笑而已久之能著衣食五穀携至大魚山仍沒入水蓋人魚之無害於人者人魚長六七尺體髮牝牡亦人惟背有短鬣微

廣東新語

卷二十二

鱗語

六

紅知其爲魚間出沙汭能媚人舶行遇者必作法禳厭海和尚多人首鱉身足差長無甲

暨魚

暨魚大者長二丈餘脊若鋒刃嘗至南海廟前謂之來朝或一年數至或數十年一至若來數則人有疫疾志稱南海歲有風魚之災風颶風魚謂暨魚也有烏白二種來輒有風故又曰風魚暨一作鯤諺曰烏鯤白鯤不勞頻至

潛龍鯊

南海有巨魚曰潛龍鯊蓋魚種而龍者也有網得者長五尺許重百斤其小魚從者數千至不可網

肉甚甘諸骨柔脆惟鱗堅不可食鱗大者如掌可  
爲帶及酒器飾小者中雜佩脊一行腹二行鱗皆  
十三兩翅兩行鱗皆三十瓊州唐伯元以爲其脊  
一行腹與翅行皆兩者五行也天地之數各五也  
脊一腹二陽奇陰偶天一地二也十者天地之成  
數天十而餘三三三爲九乾元所以用九也地二  
十而餘六陽進而陰不能也坤元所以用六也翅  
三十者一月之數也兩翅合而甲子一周也總之  
九十九鱗羣龍所以無首河圖所以虛中大衍之  
用所以不滿五十也蓋易教也

### 黃雀魚

廣東新語

卷二十二

鱗語

七

有黃雀魚者多產惠州八月化爲黃雀十月後復  
化爲魚魚與黃雀迭相化也吾不知其始爲魚而  
終爲黃雀耶抑始爲黃雀而終爲魚也魚與黃雀  
化於何始於何終他魚不化而黃雀魚獨化其必  
有故矣交州記云南海有黃魚九月變爲鶉鶉黃  
雀也魚本黃魚而曰黃雀魚黃魚本於黃雀故曰  
黃雀魚聞其名則知其爲黃雀所化矣然則黃雀  
先而魚後矣然黃魚以黃雀爲始而黃雀不以黃  
魚終則又何也有秋風鳥產雷州亦魚之所化化  
必以八月望前五日從風而起自南至北中秋後  
則無之故曰秋風鳥其亦黃雀魚之爲怪乎有海



鯨者亦能化歲二八月羣至沙洲移時化而爲鳥是曰火鳩海人譟而驚之化者十五鱗鬣不開者不全化矣食之自秋至冬瀕海皆足有以爲餽者發之鳥首而魚身者二客愀然曰是欲化而不可得者也無乃人離造化之情耶尚忍食哉命棄之

鼠鮎烏賊

有鮎者產于南海每暴尾沙際以給鼠鼠見之謂且失水舐而將食之被卷入水有烏賊者腹中有墨吐之以自衛嘗浮水上烏見以爲死矣往啄之被卷入水二魚皆性黯爲鼠與烏之賊然鼠與烏以高而爲下者所食亦可以爲貪而下求者之戒

廣東新語

卷二十二

鱗語

八

或曰烏賊魚相傳烏所化烏所化而還食烏故曰烏賊烏不賊烏化爲魚乃以賊烏魚樂而烏苦矣

魚

廣州地多池塘所畜者鱣鱠鮠鯰鯉皆以魚秧長之鱣一名鱣語曰網魚得鱣不如啗茹言不美也鮠之美在頭鯉在尾鱣在腹語曰鮠魚頭鯉魚尾鱣魚之腹其旨又曰水鯰土鯰病人宜食鯰浮鯰沉可以滋陰蓋鯰屬土其性沉長潛水中鯰屬水其性浮游長躍水上鯰食之可以實腸鯰食之可以行氣鯰守而鯰行故以爲美也江海魚之美者語有曰第一鯰第二鱣第三第四馬膏鯰又曰

黃白二花味勝南嘉又曰寒鱸熱鱸黃者黃花魚  
白者白花魚也又春曰黃花秋曰石首也凡有鱗  
之魚皆屬火二花不然其功補益而味甘故美鱸  
魚至冬益肥故曰寒鱸鱸至夏益肥故曰熱鱸言  
一以寒而美一以熱而美也凡鱸魚以冬初從江  
入海趨鹹水以就煖以夏初從海入江趨淡水以  
就涼漁者必惟其時取之語曰魚鹹產者不入江  
淡產者不入海未盡然也白花魚鹹淡之水皆有  
黃花惟大澳乃有大澳者鹹水之邊也自十月至  
十一月以日昃盡浮出水漁者必以暮取之聽其  
聲穉則知未出大澳也聲老則知將出大澳也聲

老者黃花魚嘯子之候也其嘯子必於大澳故於  
大澳取之取鱖及黃皮蜆鱸青鱗亦皆聽其聲聲  
齊則開罾取之鱒魚以孟夏隨鱸魚出其性喜浮  
游網入水數寸卽得或候其自海入江逆流至潯  
州之銅鼓灘觸石壁不能西上則多得語曰黃魚  
不上雙魚石三鰲不上銅鼓灘三鰲者鱒也黃魚  
每新水長則出嘉魚以孟冬天大霧始出出必於  
端溪高峽間其性潔不入濁流嘗居石巖食苔飲  
乳以自養霜寒江清潮汐不至乃出穴噓吸雪水  
凡嘉魚在蜀中丙穴者以三月出穴十月入穴在  
粵中大小湘峽者以十月出穴三月入穴西水未

長則四五月猶未入穴蜀嘉魚畏寒而喜熱粵嘉魚不然白沙詩兩山斷處小湘峽十月嘉魚出水鮮是也鮓魚鱠白皆以仲春出大者重數十斤入自大洋望之如黑雲至虎門則鮓魚之穉者多變爲鮓漁者輒合圍取之又鮓魚大至時其下堆積至數十百丈不可底極以鎗刺一魚取之次魚飲其血復上復鎗刺取之如是者相連不斷不可勝取故鮓魚時節所在人民饜飫多糟之爲終歲食蓋鮓魚放卵雄者爲雌者含卵口中卵不分散故類繁彼此尾相銜無一斷續故得其一則千萬源源可得竹魚產二禺連口以盛夏出色如篠葉青

翠鱗下多朱砂點味甘馬膏鯽以臘月出至三四月有馬伍者以九十月出似鱸而肉厚爲馬膏鯽之次故曰馬伍貼沙一名版魚亦曰左鮓身扁喜貼沙上故名市歸以貼牆壁兩三日猶鮮卽比目魚也一名鰈一邊青綠一邊白一目在青綠邊亦有兩目合而爲一者吳都賦云雙則比目片則土餘河鮓以番禺菱塘所出者爲美自虎頭門至菱塘六七十里許其河鮓小色黃而味甘少毒與產他縣大而板牙色白者異其價賤土人以當園蔬秋時競爲河鮓之會以火燔刺以沸湯沃涎浣至再三雜肥肉烹之皮骨脫落斯可食矣河鮓終歲

皆有入秋尤宜多食益胃煖人可減一衣產婦每以爲補其腴在膈卽肝也俗以爲八珍之一云鱠魚狀如鱸肉鬆少刺味甘大者重數十斤出海豐鱣魚多產端州以春時出浮陽見日則眩漁者輒於陽處取之一曰鱣龍魚長至丈有甲無鱗魚之至貴者也鮎魚出流水者色青白出止水者青黃故以灘瀨中者爲美鱸魚狀如鰠圓頭縮尾狹鱗肉厚而細一脊之外其刺與骨皆脆美新安人每以奉客味甘以平食之肥健益氣一名鏡魚以其圓也鮎有犁頭鮎劍鮎斑點鮎虎鹿鋸鮎背鬣而腹翅大者丈餘皮有沙圓細如珠可以治木發光

廣東新語

卷二十二

鱣語

土

潤海水將潮天將雨毛皆起溼雖千里外不爽一名潮鯉腹中有兩洞以貯水養子子必二皆從胎生朝出口暮則入臍其肉淡而鬆以翅作銀絲菜稱珍品蠟魚產陽江似鯽而白肉柔膩性喜溫煖臘月時漁人立水中魚爭附足可掇也紅者肉稍粗鱣魚一名狼藉筴魚如筴長尺許與鱣鱣二魚皆惠州出鱣魚大者盈丈鱣魚大如指許長七八寸脊骨美滑宜羹龜魚如小兒臂大有腹無口其足三十如筴鱣魚足有八一名章舉昌黎南食詩其五爲章舉魚是也石冷魚似蝦蟆而黑生石穴中倒挂魚鮮食醉人宜鮮出萬州鳳尾魚一名

馬鱗其子宜醢葵鯉出羅旁水口圓如葵扇已上  
皆魚之美者大率出於海者十之七出於江者十  
之三然皆美於池塘者也其最微細而美者曰鱮  
魚春時自巖穴中出狀似初化魚苗宜乾之食以  
薑醋曰銀魚以秋九月出九月有風曰銀魚風予  
詩九月銀魚出水長銀魚風起水泱泱是也其出  
惠州豐湖之第一橋下者長二黍許光滑無鱗表  
裏朗徹以白磁盆滷之與水無異惟見兩目瑩漆  
希貴弗多漁者但量器計值煮以湖上清醒泉及  
姚坑水有味無渣而出於清明節者尤美曰鶩毛  
魚取者不以網罟乘夜張燈火艇中鶩毛魚見光

廣東新語

卷二十二

鱗語

十一

輒上艇須臾而滿多則滅火否則艇重不能載其  
氣味絕香一曰香魚外則錦鱗魚者大可二指長  
寸許身有橫理十二道鱗如錯錦具五色尾長於  
身如帶金彩縷縷以盤盂畜之於午日中投花一  
二瓣皆爭覆陰不得者忿而相鬪翩反鼓舞各有  
態度鬪罷復比目而游又有金魚者分鯉鯽二種  
春溪咬子咬子者雄以口咬雌者眼子則出腹子  
出腹宜亟取之否則雌者還食之矣或不食則子  
著葦藻間遇雷雨輒隨電光而去子初出色黑絲  
黑而紅而黃則純金矣以鬣小三尾五尾者爲貴  
謂之蝦尾咬子又名跌子當跌子時以大蝦蓋之

則多蝦蛄屍又以撒開象木芙蓉葉者爲貴謂之芙蓉屍此二種則魚之可玩者也

### 魚花

南海有九江村其人多以縵魚花爲業曰魚花戶魚花產於西江粵有三江惟西江多有魚花取者上自封川水口下至羅旁水口凡八十里其水微緩爲魚花所聚過此則魚花稀少矣魚花之步凡數十步皆有餉魚花戶承之歲納于朝當魚汕種時雄者擦雌者之腹則卵出卵出多在藻荇間雄者出其腹中之腹覆之卵乃出子然見電則子不出矣土人謂魚散卵曰汕腹者魚之精也子曰花

廣東新語

卷二十二

鱗語

三

者以其在藻荇之間若花又方言凡物之微細者皆曰花也亦曰魚苗以當春出於苗始生時與苗俱生也亦曰魚秧農人種禾兼種魚視魚猶禾也而多言魚花者又以其類不一故曰花也凡取魚花自三月至于八月當日落時望某方電脚高則知某方無雨某江之水不長某方電脚低則知某方有雨某方之水長長則某魚花至矣西南爲南寧左江其水多土鯰正西爲柳州右江其水多鱖鱒西北爲桂林府江其水多艸魚艸魚者鰕也魚花以此四種爲正畜於池易長故務取之他魚花則弗取也鯉鯽則或取諸蛋人以其雌者放子也

凡取魚花以苧布爲罾罾尾爲一木筐而無底半浮水上魚花從罾入至筐乃杓于船中罾之狀如複斗帳凡兩重外重疎以布四十丈內重密以布一丈爲之大步置筐八九十小步十或二十上步取已復於下步取之其出不窮然多在江水灣環之所取之盛以白磁方如針許已能辯其爲某魚棟爲一族其浮而在盆上者鰈也在中者鱸在下者鰕最下則鮓也分養池中水淺而向陽則易長稍長者曰葦鱸謂可以食葦萍也歲正月始鬻魚花水陸分行人以萬計筐以數千計自兩粵郡邑至于豫章楚閩無不之也其鬻於近者魚花大遠

廣東新語

卷二十二

鱸語

古

者小日以米湯和鴨子黃飼之又數易以生水其在舟中者則舟旁爲兩水車晝夜轉水使新水入舟故水不留而後魚花不病也價則鰈鱸貴以易長而不費艸也鰕賤以費艸每鰕百尾日需艸百斤也土鮓賤以其難長罕有重至一斤者又必冬寒而始肥也凡池一畝畜鰕三十鱸百二十鰈五十土鮓千日投艸三十餘斤鰕食之鱸鰈不食或食艸之膠液或鰕之糞亦可肥也楚雖多魚而所產魚花楚人不重率重九江人所鬻者以粵之魚花易長也魚花難僞楚魚胞一重而直粵魚胞兩重上大而下小以此爲辯也九江之地如棋枰周

迴三十餘里其黑脉者堤也方罫者池塘也池塘之水養魚花者十之七養大魚者十之三養魚花水濁養大魚水清視其水色則知所養爲何等魚也地狹小而魚占其半池塘以養魚堤以樹桑男販魚花婦女餵愛蠶其土無餘壤人無敖民蓋風俗之美者也人之富多以穀估及販魚花史稱水居千石魚陂者此也

魚花產北江者不貴以北江多石灰水魚花食之不肥取之又不易畜而北江絕少淵潭故也凡魚皆藏於淵潭魚花從淵潭出者易養西江多淵潭而其源從滇黔交阯而來甚遠故魚花多而肥池

廣東新語

卷二十二

鱗語

五

魚生

粵俗嗜魚生以鱸以鯪以鱮以鱠白以黃魚以青鱈以雪鮓以鮠爲上鮠又以白鮠爲上以初出水潑刺者去其皮劍洗其血鮓細削之爲片紅肌白理輕可吹起薄如蟬翼兩兩相比沃以老醪和以椒芷入口冰融至其旨矣而鮓與嘉魚尤美予嘗蕩舟海目山下取鮓爲膾有詩云雨過蒼蒼海目開早潮未落晚潮催鮓魚不少櫻桃頰與客朝朝作膾



來又云鱸羊峽口嘉魚美不若鮪魚海目鮮黃頰  
切來紛似雪綠尊傾去更如泉又云刮鏤鳴時春  
雪消鮪魚爭上九江潮自携膾具過漁父雙槳如  
飛不用招鮪以櫻桃頰爲上黃頰鐵頰次之爛鱗  
粉頰爲下其肪在鱗鱗不可使爛爛則脂流而味  
損蓋鮪亦自惜其鱗每一絲罾鱗卽不復動故取  
之必以絲網使柔弱而不傷鱗嘉魚亦多脂嘗食  
乳泉石沐冬則出穴飲雪水而所處大小湘峽端  
溪錦水楊柳沙潮鹹不到故肥美不腥膾之益美  
於熟食也雪鮪以冬而肥其性屬水喜游泳波上  
得澹流則跳躍尋丈生食之益人氣力鱸鰠鰓塘

廣東新語

卷二十二

鱗語

六

虱亦可膾然食魚生後須食魚熟以適其和身壯  
者宜食諺曰魚生犬肉糜扶旺不扶衰又冬至日  
宜食諺曰冬至魚生夏至犬肉予詩魚膾宜生酒  
餐來最益人臨溪親舉網及此一陽春所以者凡  
有鱗之魚喜游水上陽類也冬至一陽生生食之  
所以助陽也無鱗之魚喜伏泥中陰類也不可以  
爲膾必熟食之所以滋陰也或云凡魚行隨陽春  
夏浮而溯流秋冬沒而順流其浮時可膾其沒時  
必須烹食乃不損人云粵人多有魚生之會以天  
曉空心食之佳或以鱔之烏耳者藤者黃者爲生  
亦有以蠓爲生者嶺內人不知此味不足與之言

也

漁具

漁具多種其最大者曰辰次曰晉辰之類有曰深辰上海水淺多用之其深六七丈其長三十餘丈每一船一辰一辰以七八人施之以二辰爲一朋二船合則曰辰朋別有船六七十艘佐之皆擊板以驚魚每日深辰二施可得魚數百石有曰縲辰下海水深多用之其深八九丈其長五六十丈以一大縲爲上綱一爲下綱上綱間五寸一藤圈下綱間五寸一鐵圈爲圈甚衆貫以縲以爲放收而以一大船爲辰公一小船爲辰姥二船相合以辰

廣東新語

卷二十二

鱗語

七

連綴之乃登桅以望魚魚大至水底成片如黑雲是謂魚雲乃皆以石擊魚使前魚驚迴以入辰魚入則二船收縲以闔辰口徐牽而上有曰板辰以小船施之小船有辰姥而無辰公故一名辰姥船有曰圍辰製如縲辰而小溪二三丈廣七八十丈連合二辰爲一圍以二船一前一後施之亦以板驚魚凡魚首有石者皆驚入辰無者則否首有石者曰黃花曰鯛曰鮪子曰鮫魚曰鵠曰鱸曰馬鱗曰鱸此八者善驚有曰墻辰則以縲辰爲之專以取鱮白及黃白花魚亦曰黃花辰每一船一辰辰深六七丈長三十餘丈相連數百千辰以爲一墻

橫截海水魚觸牆罟不能去大小壅積起罟時魚多不可勝取每割罟之半以放魚大抵縵罟疎專以取大魚春則取鱮白鮓冬則取黃花一歲僅兩用之圍罟密以取雜魚終歲用之此罟之事也罟之類有曰縵罟其形四方廣三丈有六尺以舟施之以二竹爲罟子竹長四十丈許上有多圈貫繩以爲放取而爲一罟極以架罟魚至乃下罟以石擊魚有曰沉罟沉音朕方言也長十餘丈口大而尾小尾旁有一穴以出水母及鱉魚之屬而浮二木于水中以支罟口又于水中置二水攪木以繫支罟口之木是曰罟門其口廣三丈有六尺常向

廣東新語

卷二十二

鱗語

六

上流潮緩則罟口合急則口張而魚大凡一沉罟以紵麻十二石爲之九人舁之罟之巨者也有曰知州罟其廣丈餘樹二木于水中以縵罟是曰硬門常浮而不沉費人力少罟之小者也有曰車罟其形方以三石白置罟竿墜而起之有曰絞罟形亦方周五丈餘以四角繫于柱中施之人在岸上離罟十餘丈魚至則轉轆轤以起之此罟之事也大抵罟皆用於海罟皆用於江罟之利常不如罟罟者漁具之可大得志者也罟之外有以箔者以籠者以塗跳者以跳白者箔以堅竹編之爾雅所謂筐亦曰罩也其注曰筐編細竹以爲罩是也

又曰今楚篚也無竹則以荆故謂之楚篚也篚薄  
曲也史記絳侯周勃以織薄曲爲生韋昭云北方  
謂薄爲曲淮南子云曲葦薄也詩曰烝然汕汕注  
汕櫟也以薄汕魚也櫟鄭氏曰今撩罟也方氏曰  
獨漉也獨漉樂苑作罍鹿荀子作獨鹿成相辭曰  
獨鹿棄之江注網也箔亦網之類也每一箔其崇  
五尺廣丈漁者嘗合五十箔而爲一其長五十丈  
虞其過大則箔口爲魚房二重以藏魚歲三月大  
禾已蔣魚始上田漁人以箔三方依田塍一方依  
水潮至則張而大潮退則卷而小是爲塞箔箔亦  
曰筴陸龜蒙詩織作中流萬尺筴故凡以石爲梁  
廣東新語卷二十二 鱗語 九

絕水者曰洪以竹爲梁取魚者曰筴亦曰漚皮日  
休漁具詩列竹于海漚曰漚今有漚瀆是也魚籠  
長五六尺寬二尺口通尾塞以山藤繫之置于上  
流魚入則爲倒叩鬚所罾不能出又中置樹枝以  
聚魚塗跳以木爲之長三四尺厚半寸首尾翹然  
狀若上弦之月前有二木直之上有一木橫之其  
底則舟而兩旁無墻所謂橈也當海水乾落魚蝦  
蛤鱖之屬膠黏淺沙跣踏之輒驚入漸洳不可得  
漁者於塗跳曲其左足而以右足踔泥左扶橫木  
而右手捃拾板輕坦滑適行若飛蓋大禹泥行之  
所乘者也跳白者船也其製小僅受一人於灣環

隈澳閒乘暮入焉乃張二白板於船旁而鳴其榔  
魚見白板輒驚眩入網然諸魚不驚惟鱗鱣鱮三  
者驚三者味甘美故粵人最重跳白之魚魚以曉  
散而暮聚聚必於水之涯浹故跳白船之出以暮  
而多在岬艸蒙茸之際無風波患予詩花中藏跳  
白出沒少魚驚向夕鳴榔去知予是月明其照公  
魚則以火枝搖颺公魚槍火乃以層漉之取花魚  
則以藤竹爲竿竿長丈有三寸貴軟而輕以左紐  
絲爲線長丈有四寸繫以四鉤鉤分四方施於沙  
泥之上足輕手疾日可得花魚半石花魚者七星  
魚也取鮒魚以釣其竿五尺繫以天蠶之絲餌以

廣東新語

卷二十二

鱗語

三

公魚騰鱗取鮒以潑生釣以輕絲爲之往來游颺  
則不損其鱗取河豚以秋潮始盛垂千百鉤於網  
中河豚性嗔觸網輒不去欲與網鬪以故往往中  
鉤又或以一大繩爲母以千百小繩爲子子繩繫  
於母繩之末而母繩之末各繫一鉤一河豚中鉤  
則衆河豚皆中鉤是名兄弟釣亦名拖釣其鉤皆  
空不以餌亦曰生釣然生釣之河豚多雌者雌者  
多子味不美惟南亭海心岡撒網而取者其河豚  
多雄雄者多腴味絕美予詩風俗河豚美秋來樂  
事多乘潮下生釣濫口峭帆過取貼沙魚以細釣  
先一夕放之江中次日乃收一細釣有鉤數百漁

者夫婦各放細釣至數千好水旬則得貼沙數十  
百斤矣細釣以蝦以七星魚或蚯蚓爲餌鯛魚亦  
如是取是皆漁之具也予生長海濱知漁事故具  
記之然此乃吾番禺菱塘都取魚之具非全粵如  
此

鱗

鱗之族有曰鰻鱧背有肉鬚連尾無鱗口有舌腹  
白大者長數尺脂膏最多其有黃脈錦紋者名金  
絲鰻鱧善穿浚穴冬時穴熱乃出名走風鱧有曰  
白鱧以產池塘中烏耳者爲佳有曰黃鱧黃質黑  
章多涎沫大者長二三尺小者佳有曰藤鱧其曰

廣東新語

卷二十二

鱗語

三

泥鰍長二三寸無鱗以涎沫自染曰溫魚與泥鰍  
相似而多肉與諸鱧皆喜伏水土之下味甘可以  
滋陰大抵鱧與魚相反魚屬火可以滋陽故蛋人  
多子以多食魚又方書魚鰓白爲丸可以種子鱧  
屬水滋陰故患痰火者宜食之白鱧或塞箔或裝  
籠取之箔鱧爲佳黃鱧以釣或於坑田掘取之凡  
鱧畜於盆中夜以火照之其騰而搶火火輒滅者  
噴火蛇也與鱧相類而領下有細鱗數片食之殺  
人故凡食鱧者不可不慎諺曰魚浮鱧沉沉者滋  
陰雖則滋陰其毒亦淡言蛇鱧之難辯也

養魚種

廣州諸大縣村落中往往棄肥田以爲基以樹果木荔支最多茶桑次之柑橙次之龍眼多樹宅旁亦樹于基基下爲池以畜魚歲暮涸之至春以播稻秧大者至數十畝其築海爲池者輒以頃計九江鄉以養魚苗魚苗之池惟九江鄉有之他處率養大魚卽養魚苗不繁滋也諺曰九江估客魚種爲先左手數魚右手數錢凡歲三月始有西水西水長故有魚苗八月西水盡則無之自封川江口至羚羊峽口皆有魚花步步凡六七十處魚花者魚苗也亦曰魚秧以其利與田禾等故曰苗曰秧而嘗名則曰魚種云魚種皆出於左右兩江左右廣東新語下卷二十二

鱗語

三

兩江者何赤雅云左江發源交趾右江發源牂牁至潯而兩江合爲一至梧而桂江入之而三江合爲一而左右江之名不存然地形左宜爲右右宜爲左而今從溯流而言分左右不從地形分左右也又南寧亦有左右江左出廣源右出峨利會於合江鎮以入橫州是左江之中又有左右江也然出廣源者古夜郎豚水也古名鬱江出峨利者古交濛泓水也古名黔江則謂鬱黔爲小左右江可也

魚牌

魚苗本粵西溪潭中巨魚散卵至端州境內始出

子九江堡民於灣環處所取之曰封川江口至高  
明爲魚苗阜者九百所每阜分上中下納稅于府  
名曰魚牌其曰鯉鱗者南雄每寒食大水魚之逆  
流而上灘者多鯉鮓鯽青魚之屬土人作鱗迎  
之魚入輒不得出謂之鯉鱗不言他種魚者以鯉  
爲羣魚之長鯉來則衆魚皆來云爾

龍蝦

龍蝦巨者重七八斤頭大徑尺狀如龍采色鮮耀  
有兩大鬚如指長三四尺其肉味甜稍粗於常蝦  
以殼作燈光赤如血珀曰龍蝦燈東莞新安潮陽  
多有之昌黎詩又嘗疑龍蝦果誰雄牙鬚

廣東新語

卷二十二

鱗語

三

鯊虎

南海多鯊魚虎頭鱉足有黑紋巨者二百餘觔嘗  
以暮春至海山之麓旬日化爲虎惟四足難化經  
月乃成有虎皮白皮料影三種鯊魚亦能化虎故  
凡炳炳成章者虎之虎也紋直而疎且長者鯊之  
虎也有見鯊之虎者但擊其足則斃之或曰鰐魚  
一名忽雷秋時亦多化虎而三爪然則南海之虎  
類多矣鯊與鰐之所化者人猶能識之人之所化  
者未知何狀或曰今之世未見有人如牛哀之化  
虎者也止見有虎之化人耳噫

魚餉



九江鄉瀕海粒食惟艱多以池沼養魚爲業弘治  
間名水蛋戶流亾所遺課米數千石總制劉大夏  
上疏將西江兩所河阜上自封川下至都含召九  
江鄉民承爲魚阜分別水勢上者納銀五錢下者  
二錢五分貯肇慶府給帖照船撈魚永著令典其  
後總制凌雲翼蕩平瀧東西兩山復開羅旁并都  
含下諸處魚阜歲餉約有千金所謂魚阜者魚花  
步也蓋九江鄉益西北江下流地窠魚塘十之八  
田十之二故其人力農無幾終歲多殫力魚苗魚  
苗出西北諸江清明後雷雨大作魚孕育乘潦流  
下其種柳慶爲上南寧次之鬱桂又次之富賀又  
廣東新語 卷二十二 鱗語 二十六

次之北江爲下長年蛋戶當夜分西望電光卽知  
魚苗來自何江至以何日柳慶越三旬兩旬南寧  
則兩旬旬半餘各遲速有差或電光遠則知過斗  
門不來辯析部位微茫若操左券魚苗入塘養至  
下年春乃以船載往兩粵州縣兌換穀米於廣肇  
二府有正餉於龍川南雄羅定有額輸於始興開  
建永安香山桂林平樂潯賀又有例徵且所兌穀  
石非苦過糴則厄上倉魚商罷困極矣而龍川爲  
甚故諺有曰龍川不可往黔魚不可養然通鄉魚  
花大半售在龍川往則傾貲不往則有餘魚爲患  
正未已也

插箔

廉陽自永安至乾體一帶種穀之地無幾瀕海居民非插箔無以為生然有箔無船箔又何利近者關權印烙海船蛋人率舍舟楫致插箔日少有司者宜於插箔船免其徵收不與諸船納稅同科庶澤國謀生有藉然有箔而無船猶無箔也有魚而無鹽猶無魚也宜令沿海諸箔請於阜引按箔之多寡以納鹽課之多寡大約歲中每箔一所課銀五六錢許俾魚鹽交資其益而不相害則箔戶殷盈而國課亦因以裕矣

飛魚

廣東新語

卷二十二

鱗語

三五

海南多飛魚或謂吳都賦文魴夜飛而觸綸即此有句云飛魚從未見漁父說文魴飛魚有兩翅飛疾如鳥觸綸輒有光射潮夜見漁火爭投船上烹之味甚美

似嘉魚

四會有烏龍潭在縣西二百里潭底石隙中多產鮮魚柔鱗肥甲如水晶土人謂之似嘉魚其味如鮒蓋四會為二江所匯地多白蕩其魚多野生不俟下種德慶之嘉魚其種至此而變未可知似嘉魚者嘉魚之庶孽也

鮒魚

順德甘竹灘鮪魚最美其灘上鮪魚以罾取之灘下鮪魚以大網取之罾小一罾僅得鮪魚一尾以灘小不能容大網也南海九江堡江中有海目山所產鮪魚亦美而甘竹灘尤勝子詩甘灘最好是鮪魚海目山前味不如絲網肯教鱗片損玉盤那得鱠香餘又曰灘下肥過灘上魚罾中潑刺泝流初冰鱗觸損烹無及玉筋殷勤食有餘相傳鮪乃鱠白所變在海爲鱠白在江爲鮪鱠白於春鮪於夏其味皆美鱠白之鮮者陽江最多子詩鱣黃鱠白鱣花香玉筋金盤儘意嘗鱣味美諺云一鱣二鱣鱣體圓一名鏡魚子詩鏡魚春向鏡中遊又云

廣東新語

卷二十二

鱣語

三

魚在鏡湖多似鏡魚生以鮪魚爲美他魚次之子家在沙亭鄉池沼頗多親戚相過必以斫鱣爲歡以多食鱣爲韻事予有過某族翁斫鱣詩云出水鮮鱣作鱣空蠻薑蜜酒沃紅肌相過一味魚生足不必重爲雞黍期又曰鱣成雙蝶食如流冬至魚生絕勝秋明歲方塘思佃取養魚思向范公求又有漁歌調行香子云第一魚鱣第二魚鮪第三魚是馬膏鯁潮鹹潮淡一任漁郎喜春風來黃花短白花長江水魚香魚子滋陽大罾船滿載鹽霜眾公眾姥兩兩開洋更鱣魚寒鱸魚熱鱣皆良